



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU HRVATSKIH DEMOKRŠĆANA

Broj: 03-07-6-117/10
Sarajevo, 14. decembar 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatskih demokršćana za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka nije ispoštovala odredbe člana 11. stav (1) i stav (3) Zakona o finansiranju političkih stranaka jer nije uspostavila potpune i adekvatne evidencije o svim prihodima i rashodima i obavezama političke stranke i finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatskih demokršćana za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Hrvatski demokršćani ostvarila je prihode u ukupnom iznosu 100.290,56 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	97,56	0,10%
5	Prihodi od pr.lica	0,00	0,00%
6	Prihodi od poklona	4.800,00	4,78%
7	Prihodi iz budžeta	95.393,00	95,12%
	Ukupni prihodi:	100.290,56	100,00%

Prema podacima iz godišnjeg finansijskog izvještaja politička stranka Hrvatski demokršćani ostvarila je rashode u ukupnom iznosu 43.561,00 KM.

2. PREDSTAVLJANJE POLITIČKE STRANKE

Naziv političke stranke: Hrvatski demokršćani. Skraćeni naziv stranke je Demokršćani.

Politička stranka je registrovana 07.11.1998. godine u Višem sudu u Mostaru, pod brojem: R:2/98.

Sjedište političke stranke je u Mostaru, Franjevačka 52/A.

Ovlaštene osobe za zastupanje stranke su Ivan Milić, predsjednik stranke i Dario Pandža, generalni tajnik.

Osoba ovlaštena za podnošenje finansijskih izvještaja za 2009. godinu je Kevsera Oručević.

Prema podacima koje je politička stranka Hrvatski demokršćani navela u godišnjem finansijskom izvještaju za 2009. godinu, stranka nema organizacione dijelove niže razine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj političke stranke Hrvatski demokršćani za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka Hrvatski demokršćani u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatskih demokršćana obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršeni su pregledi godišnjeg finansijskog izvještaja Hrvatskih demokršćana za 2005., 2006. i 2007. godinu, nakon kojih su izdati izvještaji o pregledu sa nalazima i mišljenjem revizora. Nakon izvršenog pregleda godišnjeg finansijskog izvještaja za 2007. godinu, u izvještaju o pregledu, stranci je data preporuka da treba postupati u skladu sa odredbama člana 11. stav (3) Zakona o finansiranju političkih stranaka.

U 2008. godini izvršena je revizija godišnjeg finansijskog izvještaja Hrvatskih demokršćana, nakon koje je izdat izvještaj o reviziji sa mišljenjem revizora i nalazima da je stranka postupala u skladu sa odredbama Zakona o finansiranju političkih stranaka, te da je godišnji finansijski izvještaj dostavila na obrascima propisanim Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

- a) **Na osnovu obavljenog pregleda godišnjeg finansijskog izvještaja i kontrole dodatne finansijske dokumentacije, utvrđeno je da Hrvatski demokršćani nisu postupali u skladu sa odredbama člana 11. stav (1)¹ i stav (3)² Zakona o finansiranju političkih stranaka.**
- Kontrolom finansijske dokumentacije vezane za promet blagajne, koji se iskazuje na obrascu 2.-1. (Pregled stanja blagajne finansijskog izvještaja), utvrđeno je da isplate novčanih sredstava iz blagajne za troškove stranke nisu evidentirane u momentu njihovog nastanka. U januaru 2009. godine izvršeno je 6 isplata gotovine iz blagajne za troškove nastale u decembru 2008. godine, u ukupnom iznosu od 535,51 KM. Stranka nije evidentirala ni kratkoročne obaveze na osnovu navedenih troškova iz ranijeg perioda u početnom stanju svojih poslovnih knjiga. U skladu sa računovodstvenim propisima i odredbama člana 11. stav (1) Zakona o finansiranju političkih stranaka, stranka je obavezna da ažurno vodi blagajničke izvještaje i da u poslovnim knjigama evidentira gotovinske transakcije sa datumom njihovog nastanka.

¹ Političke stranke vode evidenciju o svojim prihodima i rashodima. Politička stranka je obavezna da Centralnoj izbornoj komisiji Bosne i Hercegovine podnese finansijski izvještaj za svaku kalendarsku godinu (računovodstvenu godinu).

² Do 31.03. naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

- Uvidom u dostavljenu dodatnu dokumentaciju i godišnji finansijski izvještaj utvrđeno je da je stranka iskazala na obrascu 3-e (Nenovčane donacije i računi koje političke stranke nisu imale obavezu platiti), nenovčanu donaciju u ukupnom iznosu 4.800,00 KM³ za poslovni prostor korišten u 2009. godini, ali da isti nije evidentiran u poslovnim knjigama u skladu sa računovodstvenim propisima. Zbog toga je stranka u svojim poslovnim knjigama i godišnjem finansijskom izvještaju iskazala troškove u manjem iznosu za navedenu vrijednost nenovčane donacije.
- U godišnjem finansijskom izvještaju koji je stranka dostavila Centralnoj izbornoj komisiji BiH, iskazani su troškovi u ukupnom iznosu od 43.561,00 KM. Detaljnom kontrolom dodatne dokumentacije koju je stranka dostavila utvrđeno je da ukupan promet kratkoročnih obaveza u 2009. godini iznosi 4478,00 KM, što nedvosmisleno ukazuje na to da stranka troškove evidentira tek kada izvrši plaćanje, a ne u momentu kada je trošak nastao.
- Kontrolom režijskih troškova (troškova električne energije, vode, telefona, interneta i štampe⁴) utvrđeno je da stranka nije evidentirala troškove nastale u novembru i decembru 2009. godine, niti ima evidentirane obaveze na obrascu 5 (Pozajmice, krediti i dugovi). Po tom osnovu, stranka je prekršila odredbe člana 11. stav (1) Zakona o finansiranju političkih stranaka, jer u izvještajnom periodu nije vodila ažurne evidencije o svim svojim rashodima.
- Zbog navedenih propusta u svom knjigovodstvu, stranka je dostavila prazan obrazac 5 (Pozajmice, krediti i dugovi), na kojem se evidentiraju ukupne obaveze po kreditima i pozajmicama i ukupne obaveze po ostalim dugovanjima, čime su prekršene odredbe člana 23. Pravilnika o godišnjim finansijskim izvještajima političkih stranaka, kojim je propisan način popunjavanja navedenog obrasca.

5.2. PREPORUKE

Preporučuje se Hrvatskim demokršćanima da se pridržavaju odredbi Zakona o finansiranju političkih stranaka, a posebno na osnovu uočenih nedostataka se preporučuje:

- ❖ *da postupaju u skladu sa odredbama člana 11. stav (1) i stav (3) Zakona o finansiranju političkih stranaka i to:*
- ❖ *da vodi evidencije o svojim prihodima i rashodima,*
- ❖ *da ustroji upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma, odnosno da ažurno vodi blagajničke izvještaje i da u poslovnim knjigama evidentira gotovinske transakcije sa datumom njihovog nastanka.*
- ❖ *da finansijske izvještaje popunjava na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, politička stranka Hrvatski demokršćani nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2009. godinu, koji je dostavljen stranci 02.12.2010. godine.

Mr. Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora

³ Izjava o ustupanju prostora bez naknade dj.broj 01-01/08 od 04.01.2008. godine

⁴ JP Elektroprivreda HZHB d.d. Mostar, Vodovod Mostar, HT Mostar, HT Eronet, Monet doo Mostar i STR Piki Mostar.